



MEMORIA XUSTIFICATIVA

CONVENIO DE COLABORACIÓN ENTRE A VICEPRESIDENCIA SEGUNDA E CONSELLERÍA DE PRESIDENCIA, XUSTIZA E DEPORTES E A CRUZ VERMELLA ESPAÑOLA EN GALICIA

A Vicepresidencia Segunda e Consellería de Presidencia, Xustiza e Deportes, a través da Dirección Xeral de Emerxencias e Interior, é o departamento encargado de xestionar as competencias atribuídas á Comunidade Autónoma de Galicia, en materia de protección civil, segundo o disposto no Decreto 73/2022, do 25 de maio, polo que se establece a estrutura orgánica das vicepresidencias e das consellerías da Xunta de Galicia e polo Decreto 117/2022, do 23 de xuño, polo que se establece a estrutura orgánica da Vicepresidencia Segunda e Consellería de Presidencia, Xustiza e Deportes.

O artigo 24 do Decreto 56/2000, do 3 de marzo (DOG nº 62, do 29 de marzo de 2000), modificado polo Decreto 109/2004, do 27 de maio (DOG nº 108, do 7 de xuño de 2004), polo que se aproban as medidas de coordinación da protección civil no ámbito da Comunidade Autónoma de Galicia, regula que a Xunta de Galicia poderá asinar convenios de colaboración con entidades públicas e privadas.

Os artigos 5.3 e 47.2 da Lei 5/2007 de emerxencias de Galicia, regulan que a Xunta de Galicia poderá subscribir convenios de colaboración con entidades públicas ou privadas co fin de facilitar a colaboración das mesmas na xestión de riscos e de emerxencias.

Antecedentes:

Entre os medios e recursos mobilizables pola Vicepresidencia Segunda e Consellería de Presidencia, Xustiza e Deportes, é conveniente contar en determinados momentos con medios alleos, ademais dos propios, co fin de optimizar recursos e orzamentos, mellorando a planificación e intervención nas emerxencias ordinarias e extraordinarias que poidan darse na nosa comunidade.

A Cruz Vermella Española de Galicia, conta coa organización, estrutura e persoal con capacitación técnica adquirida pola súa propia experiencia intrínseca nas emerxencias, evidenciando o beneficio de unha resposta rápida eficaz e especializada na prestación de atención social e loxística en urxencias e emerxencias, permitíndonos dispoñer dun recurso necesario para dar unha resposta en desastres de media e gran magnitude.

Entre as competencias atribuídas a esta entidade, figuran a promoción e colaboración de accións de benestar social de servizos asistenciais e sociais, con especial atención a colectivos ou a persoas con dificultades para a integración social, a prevención e reparación de danos orixinados por sinistros, calamidades públicas, conflitos, enfermidades e epidemias, e a cooperación en programas de prevención sanitaria e acción de tipo asistencial e reparador no campo da saúde, e en xeral, o exercicio de toda función social e humanitaria.

Finalidade:

Para os efectos sinalados, tense previsto formalizar coa Cruz Vermella Española de Galicia o convenio arriba referido por un período de vixencia que abrangue dende o momento da súa sinatura ata o 31 de decembro de 2023.





O convenio ten por obxecto establecer as bases para a colaboración entre a Vicepresidencia Segunda e Consellería de Presidencia, Xustiza e Deportes e a citada entidade, na prestación de atención social e loxística en urxencias e emerxencias, coa implantación de posibles Centros de Atención ó cidadán (CAC) para poboación desprazada no caso de emerxencias e catástrofes, tanto en situacións derivadas de emerxencias ordinarias como en desastres de media e gran magnitude que poidan darse na nosa comunidade, como medida de mellora na prevención e seguridade dos nosos cidadáns.

O instrumento convencional que se pretende asinar fundaméntase na necesidade de atender ás emerxencias ordinarias especiais avaliadas polos técnicos do GIPCE, asesorar a elaboración dos plans de protección civil realizados pola Xunta de Galicia, participar na implantación dos plans que poidan xerar importantes repercusións nas persoas e no medio ambiente, formar parte do gabinete de información e difusión dos citados plans cara á poboación, participación en simulacros e xornadas programadas coas asociacións provinciais de AVPC, na formación do persoal técnico e colaborador de protección civil e intervir noutras comunidades autónomas en situacións de emerxencia que, debido á magnitude das mesmas, desborde a súa capacidade de resposta.

O instrumento convencional que se pretende asinar fundaméntase na necesidade de atender ás emerxencias ordinarias e extraordinarias e apoiar aos órganos e autoridades con competencia en materia de protección civil, empregando os recursos da propia entidade, fundamentalmente persoal de apoio social debidamente formado para a atención ás persoas, e recursos loxísticos dos que dispón nos seus almacéns, para determinadas situacións de emerxencia que se orixinen no ámbito da Comunidade Autónoma de Galicia.

Dado que estas funcións só poden ser exercidas de forma exclusiva na nosa comunidade autónoma pola Cruz Vermella Española de Galicia, non é posible a aplicación dos principios de publicidade e concorrencia pública, de acordo co establecido no artigo 26.2 da Lei 9/2007, de 13 de xuño, de subvencións de Galicia.

A Vicepresidencia Segunda e Consellería de Presidencia, Xustiza e Deportes colaborará nos custos que xeran as actividades obxecto do presente convenio, reflectido no orzamento global de previsión de gastos (anexo I), con cargo á aplicación orzamentaria 06.06.212A.6400 e código de proxecto 2015 00138 dos orzamentos do ano 2023, por un importe de vintecinco mil euros (25.000 €).

Polo exposto, considérase xustificada a utilización do instrumento do convenio para articular as actuacións de referencia, quedando o citado instrumento convencional fóra do ámbito de aplicación da Lei 9/2017, de 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE, de 26 de febreiro de 2014, segundo especifica o seu artigo 4, ao non previsto aplicaráselle os principios recollidos no citado texto, co fin de resolver dúbidas e omisións que puidesen presentarse.

O Director Xeral de Emerxencias e Interior

Santiago Villanueva Álvarez (documento asinado dixitalmente á marxe)

